



PRESS RELEASE

‘ইউএসএআইডি’র সহকারী প্রশাসক সিডর দুর্গতদের সাহায্য করার জন্য স্বাস্থ্য প্রকল্পের প্রশংসা করেন

ঢাকা, ডিসেম্বর ৮ -- ওয়াশিংটন ডি.সি.তে অবস্থিত যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি)-র সহকারী প্রশাসক কেন্ট হিল আজ ঢাকার বাইরে ইউএসএআইডি-র অর্থায়িত উল্লেখযোগ্য কয়েকটি স্বাস্থ্য প্রকল্প পরিদর্শন করেন। তিনি যেসব স্থান পরিদর্শন করেন এর মধ্যে টঙ্গীতে সুর্যের হাসি স্বাস্থ্য ক্লিনিক, সোশ্যাল মার্কেটিং কোম্পানি (এসএমসি) খাবার স্যালাইন কারখানা এবং ভালুকায় বু স্টার ফার্মেসি। এই অপ্তগ্রেডে ইউএসএআইডি-র স্বাস্থ্য কর্মসূচিগুলো পর্যালোচনা করতে ড. হিল তিনি দিনের এক সফরে বর্তমানে বাংলাদেশে আছেন।

এ সফরের সময় তিনি ইউএসএআইডি-র সহায়তাপ্রাপ্ত এসএমসি খাবার স্যালাইন কারখানা পরিদর্শন করেন এবং কিভাবে খাবার স্যালাইন তৈরি করা হয় তা সরেজমিনে প্রত্যক্ষ করেন। এই স্যালাইন ডায়ারিয়া-জনিত পানিশূন্যতার প্রতিকারক হিসেবে প্রমাণিত হয়েছে। লাখ লাখ বাংলাদেশি এই রোগে মারা যায়। সুর্যের হাসি স্বাস্থ্য ক্লিনিক পরিদর্শনের সময় তিনি ডাঙ্কার ও রোগীদের সাথে মতবিনিময় করেন এবং যে পদ্ধতিতে ক্লিনিক এর কর্মসূচি সারা দেশে ছড়িয়ে দিচ্ছে তা পর্যালোচনা করেন।

তিনি ক্লিনিক প্রদত্ত সেবার গুণগত মান ও পরিধির প্রশংসা করেন। প্রায় বিশ লাখ বাংলাদেশি যাদের অধিকাংশই দরিদ্র, প্রতিমাসে এই ক্লিনিকে আসে। ড. হিল ইউএসএআইডি-র সহায়তা প্রাপ্ত এসএমসি বু স্টার ফার্মেসি ও পরিদর্শন করেন এবং এসএমসি তার বিশাল গ্রাহক-গোষ্ঠীর কাছে কি কি ধরনের পরিবার পরিকল্পনা পদ্ধতি পৌছে দিচ্ছে সে সম্পর্কে অবহিত হন।

ড. হিল সিডর দুর্গত মানুষদের সহায়তা করার জন্য সংস্থাগুলোর প্রশংসা করেন। এসব সংস্থা দুর্গত এলাকায় মেডিক্যাল ক্যাম্প স্থাপন করে এবং অতিরিক্ত সংখ্যক খাবার স্যালাইন উৎপাদনের জন্য দিনরাত কাজ করে যাচ্ছে।

স্বাধীনতার পর থেকে বাংলাদেশের স্বাস্থ্য খাতে ইউএসএআইডি উল্লেখযোগ্য অংশীদার হিসেবে কাজ করে যাচ্ছে। বাংলাদেশ জনগণের সার্বিক স্বাস্থ্য অবস্থার উন্নয়ন প্রচেষ্টার অংশ হিসেবে বাংলাদেশ সরকারের সাথে স্বাস্থ্য ও জনসংখ্যা সম্বোতা চুক্তির অধীনে মাত্র ও শিশু স্বাস্থ্য, পরিবার পরিকল্পনা, যক্ষা নির্মূল এবং এইচআইভি/এইডস প্রশমন খাতে সহায়তার জন্য বিভিন্ন কর্মসূচিতে অর্থায়ন করতে ইউএসএআইডি আগামী পাঁচ বছরে ১৭ কোটি ৩০ লাখ ডলার প্রদান করবে।

ইউএসএআইডি যুক্তরাষ্ট্র সরকারের প্রধান সংস্থা, যেটি সারা বিশ্বে ১০০টিরও বেশি দেশে উন্নয়ন সহায়তা প্রদান করে যাচ্ছে। ১৯৭১ থেকে ২০০৬ সাল পর্যন্ত ইউএসএআইডি বাংলাদেশকে পাঁচ শ' কোটি ডলারের বেশি উন্নয়ন সহায়তা প্রদান করেছে, যার অর্ধেকের বেশি খাদ্য সহায়তা হিসেবে। ২০০৭ সালে ইউএসএআইডি বাংলাদেশকে সাত কোটি ৮০ লাখ ডলার উন্নয়ন সহায়তা ও খাদ্য সাহায্য প্রদান করেছে।

=====



USAID | BANGLADESH

FROM THE AMERICAN PEOPLE

PRESS RELEASE

দ্রষ্টব্য: এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov) যোগাযোগ করুন।